

# Anna o ya ngakeng



Kajeno Anna o ikutlwa a kula.

Anna o ikutlwa a tjhesa.

O bolella Bobo thedi

ya hae, "ke a kula.

Ke ikutlwa ke tjhesa."



Mme wa Anna o mo isa  
ngakeng. Mme o bolella  
mooki hore Anna o a kula.

"Anna o tjhesa haholo,"  
ho rialo mme.

Ka sebakanyana ngaka  
e bitsa Anna.







"Dumela Anna, o ikutlwa  
jwang ?" ho botsa  
ngaka.

Anna o bolella ngaka  
hore o a kula. Ngaka  
e re e tla hloka ho  
hlahloba Anna.







"Ere re bone o boima hakakang,"  
ho rialo ngaka.

"Hantle haholo, boima ba hao ke  
dikilokeramo tse 25," ho rialo  
ngaka.

"Ere re bone o molelele  
hakakang," ho rialo ngaka.

"Bolelele ba hao ke disentimitara  
tse 125," ho rialo ngaka.





Ngaka e mamela mpa ya Anna.  
Ho ne ho se bohloko.



Ngaka e mamela sefuba  
sa Anna.  
Ho ne ho se bohloko.



Ngaka e sheba ka ditsebeng tsa  
Anna. Ho ne ho se bohloko.

Ngaka e sheba ka molomong wa  
Anna. Ho ne ho se bohloko.



Ngaka e bolella Anna, "O a kula.  
O tshwerwe ke sefuba. Ke lokela  
ho o peita ke be ke o fe moriana."


Yaba ngaka e peita Anna.  
A utlwa bohloko hanyenyane.

"Itjhuu!" Anna a lla.



Itjhuu!





Yaba Anna o kopa ngaka hore e  
thuse Bobo.

"Ngaka, Bobo le yena o a kula,"  
Anna o bolella ngaka.

"Oo Bobo, na le wena o a kula?"  
ngaka e a botsa.

Ngaka o mamela sefuba sa Bobo.  
Ho ne ho se bohloko.

Yaba ngaka e tlama leoto la bobo  
ka petjhe.

"Jwale o tla ikutlwa o le betere,"  
ngaka e bolella Bobo.



Anna o tlameha ho nwa kgaba e  
nyenyane hararo ka letsatsi.

O boetse o fa Anna pompong.

"O ngwananyana ya sebete,  
Anna," ho rialo ngaka.

"Ke a leboha ngaka," ho rialo Anna.

"Ngaka hle, ebe Bobo le yena a ka  
fumana pompong?"

"Ee!" ho rialo ngaka. "Bobo  
a ka fumana dipompong  
tse pedi."



Kamoo o ka hlokomelang  
thedi e kulang.

Na thedi ya hao e  
a tjhesa? Efa thedi  
ya hao moriana wa yona.  
Balla thedi ya hao pale.



Kenya thedi ya hao dikobong.  
Efa thedi ya hao sopo.  
Etsetsa thedi ya hao karete  
ya ho e lakaletsa ho fola.  
Haka thedi ya hao.

# Mesebetsi ya ho bala ka dihlopha



1

Tadima ditshwantsho.

Bolella motswalle wa hao hore sa pele, bobedi,  
boraro le sa bone ke sefe.

Qoqela motswalle wa hao pale o sebedisa  
ditshwantsho.



2

Bua ka tse latelang:

- Sehlooho sa pale ke eng?
- Ngaka e entse Anna eng?
- Ngaka e entse Bobo eng?



3 Tshwantshisa pale.



4 Tadima medumo e qalong. Fumana medumo eo mantsweng a meleng e latelang:

tjh-	tjhesa	tjhelete	tjhaka
th-	thusa	thula	thuba
ng-	ngaka	ngala	ngata
-ng	ditsebeng	molomong	ngakeng
hl-	hloka	hlahloba	hloma



5 Sebedisa medumo e latelang ho phethela mantswe hore a kgeme le ditshwantsho.

th-

d-

hl-

s-

_upa	_ijo	_apa	_ekotlolo



6


Fumana dipolelo paleng tse nang le matshwao a latelang o be o di ngole bukeng ya ho ngolla:

Kgutlo • le potso ?



7

Tadima setshwantsho.  
Ngola dipolelo tse 2 ka sona.



8

Ngolla Anna karete e mo lakaletsang ho fola.

Motswalle Anna.

Fola kapele!

E tswa ho \_\_\_\_\_



Taka setshwantsho.